

SATIRIČKI LIST GRADA PREGRADA



2018



Celo leto Vrabec našim gradom skita,  
se si zapiše, kaj pa nezna to pita.  
Čujem da ste i ovu godinu šlampavi bili,  
ak ste mislili da sam vas pozabil, grdo ste se prevarili!  
Ima vas iz sela, grada, a i vlasti,  
od smijeha sa grane mogal sam pasti.  
Suradnici ste mi dobri bili,  
puno lepoga mi otkrili.  
A one kaj u listu prostor maju,  
lepo prosim naj za šalu znaju.

Puno toga h Vrapcu vas čaka,  
sa smehom popunjena stranica je saka.

**'Vrabec' je satirički list Grada Pregrade,  
isključiva mu je svrha nasmijati se  
dogodovštinama svojih stanovnika.**

**Tekstovima uvredljivog karaktera  
po odluci uredništva nema u Vrapcu mjesta;  
preporučamo riješiti uz gemiš.**

**List su uredili:**

Petra Vdović, Karolina Hostić,  
Dario Burić, Stjepan Javornik i Denis Flegar

**Napomena:**

Autore vam ipak nebumo otkrili  
kaj vi nebi na njih hudi bili!

Vaš Vrabec!





## Dobar šoping u slovačkom dućanu

Od Lili sin preuredil je celuhižu, došlo je vreme da se ukrasi na regal nanižu. Čim prije ona htela u Zabok h Lesninu i Yisk je iti nikakva akcija njoj se ni mogla skriti. Rus pak htel ispasti pravi je dasa čul je on na Stubici o pravom dućanu glasa. To je h Bedekovčini Slovački dućan odmah vjuto on Lili pelja tam! Već s ulaza ona je skužila da tu nebu kupiti niš moći jer nutra su svi Slovaci nekak meli fest kose oči. Za silu ona si je jen ribež kupila, a najrajši bi bila Rusa za vuho šupila. I morti bi ta priča hitro h zaborav pala da ona svojoj kćeri ni štofa za pripovedati dala. Slučaj tak je u Bedekovčini htel da je Ban nekakav važni sajam mel. Dok se čekalo da sajam počne kćer je pila kavu usred ekipe moćne. Bil je tu župan Kolar, načelnik Ban i medija sedma sila uz Radio Kaj i TV Jabuka tu je bila. Najemput za stolom nastal je gromoglasni smeh kad su čulikak joj je mati s Kinezima mela peh. Svima je bilo teško za povjerovati da se u Bedekovčini tak more poslovati. Župan je na kraju komentiral kak Banu treba dati priznanje za diplomaciju i poticajno međunarodno stanje!

## Zamjenica Goga



Nakon kaj je zamjenik Ivo struju del na sve živo, h novom mandatu zasjela je ona h gradskom aparatu.

Njeno ime je Goga, na prvi pogled djeluje stroga, no, či nekome treba kaj pomoći ni se teško njezinoga broja domoći.

Za komunalno ona je glavna, vse ceste po mjesnim odborima šudrom ravna. I udruge ona poprek ima, Kostelska pištola z njom se rado štima.

Kak furt na cesti s bagerima mora biti tak je h novinama proglašena jednom od dvije najbolje pregradske riti. Još moramo reći da za Branje njenoga gemišta nije spila njoj vam je samo rakija mila.

Unatoč svim sumnjama nova zamjenica ispala je fora svima je pokazala kak delati se mora. Spominati se, rado delati i malo si spiti jer takva prava baba h Gradu mora biti.



## Gradski bazen - prvoaprilska šala ili istina?

Prošlogodišnja prvoaprilska šala pregračkim vijećnicima na razmišljanje dala treba furt neka akcija biti - velika il mala. Zato je ove godine odluka pala: Pregrada nazaj treba bazena meti da se mamo ke kupati po ljeti.

Gruntali su vijećnici i pregračka nacija za bazen je jedino pogodna stara lokacija. Ili bumo stari bazen otkopali ili bumo novoga skopali. Rekli su: 'Bolje novoga napraviti pa si bumo si skup h njemu namakali riti'



Gruntali su i dal bi skakaonu i tobogan radili ili bi samo h njega biljke posadili. Ipak bolje buju biljke kaj bu hlada celi den, a Pregrada bu mela - eko bazen.

Samo da nam EU peneze omogući mam, rajši bumo gemište nek pri kleti pili tam. O eko bazenu su se raspisale vse novine, a mi se sa novim informacijama čujemo dogodine.

## Krivo tiskano



Kak to navek biva  
kad se posel h žurbi riva  
nekaj furt po krivu krene  
taman kad je bitno da vse bu na vreme.

Tak je i u Gradu bila prava vriska  
kad se proljetni broj gradskog lista tiskal.  
Žurili se oni da njihov list do Vuzma  
stigne na kućne adrese,  
požurivali i Zagorski list: 'Delajte, nek se tiskara tresse.'  
No, oni pak zgleda za to nisu hudo marili  
Pa su trideset komada tiskarskim strojem pokvarili.

Ali nigdo za to ni znal  
dok Grad već na poštu nije svoj list dal.  
Zeme Mici list da vidi kak je on ispal:  
'Bože moj, pa kak se to krivo tiskal?'  
Odmah su zvali poštu: 'Kaj ne bute to slučajno isporučili!  
Kaj buju ljudi rekli, pa glavnu urednicu buju mučili'

No, ko za inat, poštari su se z isporukuj odlučili požuriti  
Pa su morali z novinama nazaj h poštu juriti.  
Ipak, na sreću sve je dobro završilo,  
A h Gradu su dobro pazili kaj se to ne bi opet dogodilo.



## Nova 'fontana' h Pregradi

Za Dan Grada nekakvo otvorenje treba meti  
složili se svi da treba Sportski centar otpreti.

Bivša vlast furt je grad uređivala  
Pregradi je čak dve fontane dala.

Sad i Marko, kak gradonačelnik pravi  
mora da se i dalje z Pregradom bavi.

Videl je h Zagrebu kak Bandićeva fontana žubori,  
mora se i on pokazati kad su izbori.

'Otrpli bumo i mi fontanu', je rekel,  
'ne bum se ja samo tak spekel.

Bumo postavili h Sportski  
centar jenu i to je glavna bit'.  
Da nije to tek OBIČNA PIPA z  
a vodu piti, ne bi bil takav hit.


## Lille na Branju

Za Branje grojzdja na trgu koncert neki mora biti  
kaj se bu lakše moglo zapopevati i spiti.  
Turistička je gruntala koga bi za koncert zela,  
mogli bi Lidiju Bačić, ona bu sigurno htela.

Lidija bu trg napunila i ne bu skupa,  
jeftinejša bu nek kakva rock ili pop grupa.  
Jednima nije niti Bačićka bila baš po volji,  
veliju da su negda koncerti bili bolji.

Karolina veli: 'Tak i nak svi gundraju na taj rock,  
Lille bu nastupala za promjenu i bok.'  
I naš gradonačelnik se je kiselo nasmejao kad je to čul,  
najrajši se bi bil od muke zul.

Ali, kak i navek, Marko se ko kavalir ponesel  
čak je kitu cvijeća Lidiji odnesel.  
Trg je na kraju ipak pun bil  
svaki je došel malo posluhnuti, pogledati, ili si je nekaj spil.



## Selfi

U današnje doba ak se na fejsu  
nekaj nije objavilo ko da toga nije ni bilo.

Tak i naš gradonačelnik fejsbuk stranicu ima  
sa slikicama i statusima rad se štima.

Di je bil i kaj je delal, tam sve Marko objavi,  
ali sad nema puno vremena da se sam s tim gnjavi.

Rekal je da h Saboru ma drugih problema,  
da bi trebal administratora nekakvog pronaći,  
a da nikog nema.

Hrvoje Novak odmah se javlja,  
on bi taj posao htio da obavlja.  
Hrvoje je postavljao slike od pregradskog  
Branja i odmah je napravil sranja!

Sa slikama od Marka svoj selfi je povukao,  
kad je skužio što je napravio, po glavi se tukao.

Situacija je bila izrazito žarka,  
Svi su lajkali selfi, a ne slike od Marka!

Slavu je na brzinu stekao,  
jedino ne znamo kaj mu je Marko na to sve rekao.



## KRAVSKI POSLI

Poznato je već svima da Pogi farmu krava ima, ali kak je bilo za čuti na farmi nekaj ne štima.

Jednog dana krava Izabela kroz gnojna vrateca na put se je dela.

Potruga nije dala rezultata jer se krava nije doma dala, deli su je kod Mikše u štalu i tam je par kednov ostala.

Nakon toga Pogi i veterinarski higijeničar Željko u akciju kreću, ali opet nisu meli sreću. Poslije dvije - tri vure vure bruke kravi su opet kod Mikše u štali skratili muke.

Napokon je nazaj krava doma bila, ali nekak joj baš Pogijeva štala ni mila jer u subotu Izabela opet u akciju kreće i polahko prema Tuhlju ona odšeće.

Dugi iz Amerike Pogija je zval, kakav je problem nastal!

Akciju velikih razmjera Pogi je organiziral,

pažljivo je ljude za akciju biral.

Zeli bumo mi motore i traktore h ruke, hlovili ju bumo bez pol muke.

Mario Humčan hitro je na quada sel za kravicuj se h potragu del.

Tomica ujak pa na krosera čim brže skoči, iskali su onu kravicu do noći.

Traktor s prikolicom se također uključil, nakon potjere od skoro 20 kilometri se Pogi stvarno namučil.

Uspjeli su kravu prijeti i nekak ju na prikolicu deti. Potraga od 15 ljudi je stala akcija je rezultata dala.

Štala je opet sada kompletna, bik Ares, krave Bara, Žare, Izabela i telica Žlofa - družina sretna.

Pogi bi sad trebal znati da na štalu treba manja vrata dati!



## Al kafe

Al naš punom parom dela, ledeno piće toči,  
od jutra pa sve do noći.  
Ljudima kuha kavu i kak raste gleda travu.

'Kad bi si bar negde mogel posuditi nekakvu kravu',  
misli si on, 'da mi popase tu nesretnu travu!

Ma ne bum od toga delal halabuku,  
podnesel nekak ja bum tu strašnu muku.'

Od posla silnoga jeza ga hvata,  
ipak se tu, ljudi, radi o cela tri kvadrata.

Posla on se bu primil, nek svi znaju,  
pripreme za košnju tjedan dana mu traju.

Kosilicu na servis, radno odijelo,  
očale, štitnike za vuha...  
sve mora biti po pravilima struke,  
naravno, nije pozabil čak ni zaštitu za ruke.

Rukavice Karmen mu nosi, ko po najvećoj zimi  
i nekak joj se z glave dimi.  
Jadna od muke skroz je bleđa,  
nema druge nego da akciju iz prve ruke nadgleda.

Alu našem dok travu kosi srce ko ludo lupa,  
a Marijana za to vreme travu oko rubnikov čupa.

Kad se konobarske ruke slože, sve se može,  
nisu oni samo tu da nas deru do gole kože.

Nakon teškog i napornog rada odmor dobro im pada,  
Sretni i veseli svi su bili  
i rado bi si sad nekaj i spili.

'Ajde Al, rundu nam donesi' - veli mu Karmen,  
'ipak si ti naš omiljeni barmen.'



## Dudekove pivske muke

Za Branje grojzdja subota je glavni dan  
zato je i Dubravko iz Ramone imal dobar plan.  
Na trgu bu Bačićka nastupala i puno bu ljudi  
svakome na koncertu odmah se žeđ budi.  
Na trg je prikolicu u obliku pive postavil  
i mislil si da je s tim dijelom sav posal obavil.  
Na koncertu su vsi kričali: 'Daj pivu meni!'  
a on nikak da pivu natoči, samo mu se pjeni.  
Mislil si: 'Kaj sam to sim dopeljal',  
ali nije on kriv kaj mu aparat nije veljal.

## Dario i Al



Dario i Al oduvijek dobri su bili,  
često su se našli i na brzinu nekaj si spili.

Ali, nisu oni s tim zadovoljni bili!  
'Vremena moramo si zeti,  
našli se bumo mi dva, Dario, pri tvojoj kleti.'

Veseli oni su bili, roštilj su spekli,  
a gemišti sami su tekli.  
Reč po reč, svi mi znamo kak to ide već,  
za prijatelje nema nikakve krize,  
a gutljaji sami klize.

Kada svega bili su siti,  
odluka je pala - doma mi moramo iti!

Ali nemre to samo tak biti,  
prešli si bumo ipak prije k meni  
u AL kafe nekaj spiti.

Za šankom brzo oni dva su se snašli,  
puno vinskih bratov odmah su našli.  
Vrag vinsko kolo po glavi im pela,  
dečki više ne znaju koji od njih ujutro dela.

Marijana hudo ih gleda,  
piti ona više im ne da.  
I onda je rekla Alu, prije zadnje ture:  
'Vjutro si ti gazda, ipak prespi dve, tri vure.

Ja otpreti birtiju bum došla,  
dok tebe mučnina nebu prošla.'

Al sretan ko malo dete je bil  
i iste sekunde na dogovor je pozabil.

Andela čuvara ima naš barmen,  
budna je draga supruga mu Karmen.  
'Siniša, ak si se celu noć  
sa gemištima mogel boriti,  
onda i birtiju na vrijeme možeš otvoriti.'

I dok na crkvi sedma vura tuče,  
našega Ala orkestri vu glavi muče...

Bogec lica potpuno bleđa  
u Marijanu zbunjeno gleda.

Kaj si i ti negde bila  
i celu noć gemište pila, čudi se on...

'Odi gazda doma  
i skuhaj celi si lonac čaja,  
kaj ne buš h Vrapcu  
samo ti od početka do kraja.'





## Saša i Al



Saša i Al prijatelji su pravi, svaki od njih se z istim poslom bavi. Ugostiteljstvom jedan za drugog je vezan pa rijetko ko iz njihovih birtija izlazi trijezan.

Ljeto je, piće se toči,  
ne znaš jesu li duži dani ili noći.  
Vani je vruće, a pijača bez leda  
je ko košnica bez meda.

Pri Terencu ko da se je neki vrag zbrknul,  
prokleti ledomat mu je crknul.  
Nije se Saša niš puno sekiral:  
'K Alu ja bum prešel,  
on bu mi leda spakiral.'

Za to vreme Al se je posla primil:  
pili, reže, meri i tumba,  
od muke je bogec ostal na košulji  
bez ijednog gumba.  
Sve je sredil, pol kafića je preuredil.  
Perilicu suđa polek ledomata je del  
i od šoka vrag skoro ga je zel.

Ništa nije kao prije,  
vrući zrak iz perlice ledomat grije,  
a na terasi piće bez leda se pije.  
'Dosetil sam se jadu', misli si on,  
'prešel bum po leda na Tifon.'

Saša tam ga je čekal  
i čim ga je videl odmah mu je rekal:  
'Ak buš i za mene malo leda zahvatil,  
odmah ja rundu bum platil.'

Našli dečki svoju su sreću,  
pa imaju leda punu najlon vreću.  
Pustili su da crne misli od njih odu,  
pa ja naš Al u kafe dopeljal opet samo vodu.

Marijana u čudu ga gleda:  
'Pa kak da ja gazda ipak delam bez leda?'

Videl je Al da je vrag šalu zel,  
pa je drugi dan opet alat u ruke zel  
i kafe u prvobitno stanje je del.

Požuril se je, naravno,  
da ne bi bilo još većega vraga,  
jer ne bi bilo dobro da za sve  
dozna Karmen mu draga.

## Petrini jadi s Hanzijem

Normalna stvar je da ljudi pospravljaju drva po ljeti  
Al Hanziju nije do toga, on se tad hladi pri kljeti.

'Kaj bum zde derva spremal, malo je prevruće,  
Rajši bum si gemišteka pil za stolom ispred kuće.

Mam cajta iti fustu, dok bu malo hlada,  
lonak nema prave zime, snijeg do Vuzma ne pada.'

Zmisлил se na drva kad je jesen već pri kraju bila  
Pozval Jadeka i Kancereka,  
a Petra mu je glavna kuharica bila.

Iz fuste su muži došli žejni kak graba,  
No doma vina ni kapi, eto ti pravoga vraga.

'Furt se z vinom štimaš kak je dobro  
i da ga maš za prodati'

'Joj, dečki, ne znam kak, al pozabil sam ga  
dopeljati.  
Bumo prešli s traktorom na pivu k Petku h dučan  
Mamo još pred sobuj dugi dan.'

Poslje on Petru: 'Puža, hadi po piti kleti!'  
Sve bi to bilo dobro kad bi ona znala vrata otpreti.

Mučila se Petra, al nije šlo nikak,  
Vrnula se doma praznih ruku ipak.  
'Kakva ti je to brava kaj ju nemreš otkleniti,  
To ti je zadnji put da me šalješ po piti.'

Veli Hanz: 'Moraš z jenuj rukuj povleči,  
a z druguj tišati  
Z jenuj noguj pritisnuti,  
a z druguj na miru stati.'

Onda se vrata otpreju, moraš za to biti jak  
Mam predobro vino  
kaj bi vsaki nutra došal samo tak.'

'Ko Đoko si naopačan,  
vidi se da si mu sin!', Petra ga špota  
A njemu se samo vino po glavi mota.

'Nekak mi ta demižonka furt shlapi  
Nigdar h njoj nemam vina ni kapi.'

Na kraju je Hanz  
pletenu h auto del  
I sam h Plemejšinu  
po piti šel.



## Dimnjačar



Renato naš dragi,  
dimnjačar je pravi,  
svaki rafung dobro on napravi.  
I dok njemu sezona dimnjaka  
punom parom kreće,  
drugi ljudi iz šume nosiju  
vrganja pune vreće.

Problem on ima  
kaj obeća se baš svima,  
očistiti sve ne stigne  
i dok se dva, tri put prigne,  
zima već stigne.  
Mobitel zvoni mu cijele dane i noći,  
'Ma k svima, ljudi dragi,  
ja stigel bum doći.

Nek me tko god hoće ganja  
i ja nabral si bum malo vrganja,  
Prije nego padne veli sneg  
Idem ja na Smiljanov breg.'  
Mislil si je Renato  
kak njegov plan nema manu,  
ali nije računao s tim da buju mu  
zbog velikih oborina ispustili branu.

Ne da se on u svojoj nakani smesti,  
pa ne bu me valjda zaustavilo  
to malo vode na cesti  
Ne bum si ni noge smočil,  
tu mlakicu s Citroenom  
ko od šale ja bum preskočil.

I dok sreće silne se je topil  
začas do krova h vodi je bil  
- bogec skoro se je htopil.  
'Svašta sam ja ljudi u životu spil,  
ali na takvom krovu ipak nikad nisam bil.'  
Ničega se ne boji,  
dok na krovu auta hrabro on stoji,  
misli teške ga muče;  
kak da se iz jezera izvuče?

Plan njegov ipak imal je puno mana  
jer auto su mu zvekli van tek za dva dana.  
I na kraju savjest jako ga je pekla,  
jer bogec ni znal  
kaj bu mu gazdarica na sve to rekla.

Teški njegov bil je gljivarski put,  
sebe dopeljal je u veliku pogibiju,  
valjda je čovjek mislil da vozi amfibiju.



## DJEVOJAČKA



Pričala nam jedna svraka  
kak se slaže svadba na brzaka.

Beba je na putu, ali mladi se ionak voliju,  
kad - tad bi se ženili, pa je svejedno  
dal peneze po zimi ili ljetu brojiju.

Prije svadbe svake, zna se kaj se mora:  
napraviti djevojačku i momačku  
- to je bila noć nora!

Naša mlada svoju djevojačku  
na Kunagori je mela,  
no čini se da na kraju nije  
sve prošlo kak je ona htela.

Bila je trudna i mučili su ju hormoni,  
hudo joj je smetalo kaj pucaju baloni.

Dok je ona na katu odmarala,  
puže su se u prizemlju same zabavljale,  
a ona je valjda sanjala da su nered stvarale.


Ko ris se huda zdignula, paniku napravila:  
'Počnite čistiti, zabava se zgotovila.'

Sve su ostale u čudu,  
nisu znale kaj reći,  
nečeju se ž njom svaditi,  
kaj bi zde trebalo pobeći?

Kak je huda bila,  
puno im je toga spreteknula  
pa čak i poklon za djevojačku  
s kojim nije zadovoljna bila.

Pobrale su se one s djevojačke i prešle  
s Kunagore pešice u dva po noći,  
al su si zele sa sobom votku  
da im se grlo po putu moči.





## KOSTELSKA ČVAJA

Na putu gmfof h Tom - Tomu treba stati, tam je obavezno bar još jenu hu se dati.

Al ta jena se furt neka oduži pa i Tomica z njima do zore zaruži, makar ih konobarica stira van oni se vrneju ak vani još ni dan.

Marko, Perko i Robi su to ozbiljno shvatili čak su i Jožu Pregračkog s kostelskim nasljedem pobratili.

H Europskoj uniji zadnja je moda da se svakakvoj tradiciji epitet kulturnog dobra doda.

Briljantnu ideju nije omela ni Tomekova Danijela makar im je zadnju pivu sa šanka zela.

Iduće zaštićeno kulturno dobro iz našega kraja, Dečki su zaključili, mora biti KOSTELSKA ČVAJA.

## KRAMPUS ŠOŠAN

Grad vsake leto za Nikolinje poklone deli, vsako pregračko dete tomu se veseli.

H Gradu su na vreme poklone spakirali kaj se ne bi još i oko toga sekirali. Po mjesnim odborima treba poklone dati, zaključili su da ih najbrž more Niskogradnja raspeljati.

Štruk je h auto poklone del i na Vinagoru hitro je šel. Na ravnici je auto pustil i ni ga zakočil kad se najemput auto pod breg potočil. Štruk za autom kriči: 'Prokleti ti vrabec', a polek njega za glavu se drži velečasni Dragec.

Ipak se malo umiješala božja sila, na putu autu tu je napuštena hiža bila.

Začulo se samo: Tup, auto je zaustavil od hiže rub, a na kraju vse je spasil električni stup. Vrabec ne zna točno je li Šošan pred župnikom kakvu prostu riječ izustil, no glavno da je poklone za decu od Sv. Nikole na Vinagori ipak pustil.



## Gljivari (I)

Gljivari naši jedanput mjesečno se družiju  
na Velikoj ravni onak, muški zaružiju.  
Družina oni su prava,  
pa ih često celi drugi tjedan boli glava.  
Ljudi oni su dragi,  
dogovor, organizacija, sve to ide im ko po špagi.  
Svaki od njih doprinos svoj da,  
Nek se to zna!

Rutinski sve to teče,  
Danijela obavezno štrudlu od vrganja peče,  
niko nikom niš ne broji,  
a naš Petraček za roštiljom se znoji.  
Svaki je nasvoj način bil vrijedan,  
a Risek se pobrinul da danas niko nebu žedan.

Vani velika je vrućina,  
ljudima od žeje već je mučnina.  
'Ne brinite ljudi, vino i vodu ja sam rashladil,  
sad bum ih iz frižidera izvadil.'

Jadni Neno od muke z glavom samo je trznul  
- sve je on to u škrinji onak praf zamrznul.  
Vino se ne toči, ljudima mrak pal je na oči.  
'Neno', Iva mu veli, 'nebumo se izvukli,  
ovaj put buju te stvarno do kraja zatukli.'

No, nisu gubili nadu, nego su se dosjetili jadu.  
Zmržene gemište van su zeli  
i na sunce su ih brzo deli.  
Na kraju nekaj su si ipak spili  
i svi su sretni bili.

Makar organizacija nije baš bila prava,  
ipak na kraju nije pala ni jedna zmotana glava.  
A kad je trebalo doma iti,  
ljudi su si prešli vu Pregradu spiti.



## Gljivari vs Stršljeni (II)

Vrućina velika je nastupila,  
gljivarska družina se okupila.  
Njihova sigurna lučica,  
oduvijek bila je gljivarska kućica.  
Ali nevolja našla im se na putu,  
stršljeni gnijezdo napravili su u kutu.  
Gljivari ekipa su plaha,  
stršljeni ostavili su ih bez daha.  
Nisu oni bili spremni za takav uvod,  
skoro svaki pretrpil je po neki ubod.  
I dok mobitel panično dela,  
u rano nedjeljno jutro Neno  
z motorjom po Pregradi se pela.  
Zvonca po dućanima fletno stišće,  
sprej protiv stršljenof on išće.  
Za to vreme Petraček u gnijezdo gleda,  
ma nema šanse da on bez borbe se preda.  
U prsa junačka, šakom se je lupil  
i protiv ljutog neprijatelja goloruk je nastupil.  
Hrabro sa zida on gnijezdo je strgal  
i u vatru odmah ga je vrgal.  
Ne bi preživeli on tu bruku,  
da ga je koji slučajno piknul u ruku,  
nego zahvalno gleda prema nebu plavu...  
Ma, hvala ti dragi Bože, spikali su me samo v glavu.  
Kvrga na glavi svaka je masna,  
ali srećom tu spremna supruga je Jasna.  
Svaki žalac debeli je ko palac, prilično je velik.  
A Jasna uzima u ruke nož, tu pomaže samo hladni čelik.  
Umjesto da gljivari prvu pomoć suborcu pruže,  
Jasna mu žalce iz glave z nožem struže.  
Nastala velika je strka,  
ljudi dragi neviđena to je bila zbrka,  
a Mladen je ko i obično nekak iz gužve zdimil  
i sa sigurne razdaljine celi cirkus  
z mobitelom hrabro je snimil.  
Makar smo doživeli veliku bruku,  
ipak je on to sve objavil na fejsbuku!



## Pregradska dama

Vu Pregradi mamu jenu Lepu Brenu  
kaj u zadnje vreme nagrabusu h trenu.

Štenge su pod njom stale pukati  
i za čas se počela pod njimi frkati.

Vrag mater, sa sem se natukla  
dobro kaj mi ni stidna kost pukla.

Vu prokletih štiklah sam se splela  
i vruće hlačice si još nase dela.  
Kožne hlačke zmene su pale



a duge čizme su parket rovale.

Pri groblju sem pak prav nasela  
tri stupa sem z autom mam zela.

Z auta sem napravila harmuniku  
izgleda da sam poslušala krivu muziku.

Neznam, a sem kočnicu ili gas stisnila  
ili sem se na mjenjač natisnila  
i skore zbog toga presvisnila.

Do zna, a je to mortu božja kaštiga  
ili zmenoj nekaj ne štima.





## NA SKIJANJU



Dečki pri Terencu su bili  
i puno gemištvov su spili.  
Nad ljudima u tom stanju neki čudni duh vlada,  
neraskidivi dogovor med njima obično pada.  
Kad skijanje organizira Vetropack  
u taj autobus hoće se ugurati baš svak.  
U Nasfild ide njih pet, pa nek pati cijeli svet.  
Kraljica dobru priliku je mel, sina sobom bu zel.  
Sve sa sobom oni buju zeli, glavom platil odojak je celi.  
Visoko glave su zdigli kad na cilj su stigli.  
Oprezni oni su bili i karte su kupili,  
jedino je Terenca zapala banana,  
uvalili su mu kartu staru dva dana.

Kad na vrh su stigli, Ervin Mirku je rekel:  
'Skijaški ti si šraf, jedini si med nama pravi laf.  
Mirku slabo je došlo,  
od zadnjeg skijanja puno godina je prošlo.  
'Ma nek ispadnem stara luda,  
ali za spustiti se dole ja ipak nema muda.'  
Z glavom žalosno je stresel  
i skije dole na ramenu pešice je donesel.  
Spustil se je i mali princ  
i dok ledeni zrak je gutal, sa staze je zalutal.  
I dok srce od straha mu puca,  
Mađarima na vrata on kuca,  
grlo mu se stišće, svojega tatu on išće.

Kad konačno opet svi skupa su bili,  
sad bi si nekaj i spili.  
H birtiju na vrhu su seli i oduška su si zeli.  
Idemo dečki dole, nek niko nikoga ne mulja,  
ali staza im se nekak ljulja.  
Šimun sa staze leti, ko da je zbilja sveti,  
Terencac hrabrost je skupil, ratnog druga on bu pokupil.  
Oko njih vrti se sneg beli,  
skupa su si oni na jedne skije seli,  
stazu sedečki su prošli i na cilj su ko na sanjkama došli.

I dok ljudi doma se žure  
na njih autobus čeka tri i pol vure.  
Nasfild u čudu je celi, takve goste još nisu meli.  
Šimun ipak na alkohol nije imun,  
od muke Mika samo da ne prošvika.  
Terencac svima pokazal je kak se pije,  
taj je zgubil čak i skije.

I onda u žaru borbe majstori su zamenili torbe.  
Ruksak jedan celi Slovincu su zeli.  
U sneg bogec si je sel, ključki, penezi i papiri -  
sve je u tom ruksaku mel.  
Kad na granicu su stigli, Šimunu svega bil pun je nos,  
voziti dalje moral je bos.  
Terencac zgubil je skije, ali ni on za podcijeniti nije,  
kad magle se buju zdigle,  
možda buju mu ipak nekak patike s poštom stigle.

## Nestašna staklena vuna

Vladek je uštedil neku kunu,  
Pa je odlučil kupiti staklenu vunu.

Da bi ju čim prije doma mel,  
za dostavu si je Josipa zel.

Dok su u Sopotu zvonila crkvena zvana,  
Joža je s vunom krenul iz Pregrade doma.

Vozi Joža i samo se smije,  
stiska gas da stigne čim prije.

Odjednom ko da vunu ubola je pčela,  
s prikolice je skakati počela.

Svakih sto metara prikolica je lakša bila,  
metala je vunu po cesti ko da se napila.

Kad je Joža do svoje hiže došal,  
shvatil je da je bez pol vune ostal.



Da bi vuna na broju bila,  
suseda je vozila za njim  
i kaj god je palo, pokupila.

Kad su svu vunu na kup dali,  
bil je srećen ko dečec mali.

Vladek je na dvorišu h paniki bil,  
mislil je da se Joža zgubil.

Al kad je vuna napokon  
na dvoriše došla, nervoza ga je prošla.

Valjda buju Jožu zaposlili u  
agenciji 'IZGUBLJENO - NAĐENO'





## GOSPIČKA SKUPINA



Svanuo je i taj dan  
kad se na put sprema tim odabran!  
Osam veličanstvenih  
kod Lovačkog doma se zbralo,  
i odmah u kombi svoje stvari dalo.

Stari Pepsi stvari slaže, a Bajić mu zdušno pomaže.  
Od jenkrat Pepsi zakriči: 'Bajić, j\*\*\* se ti!'  
A Bajić pa ga samo tiho pita: 'Ka te jako boli?'

Na Bajićevom ruskom koferu,  
Pepsi si je prste porezal,  
a jenega si je skoro i odrezal.

Prvu pomoć odmah Bajić po domu traži  
da Pepsiju malo boli ublaži.

No, kak su mu se ruke jako tresle,  
ni mu uspelo Pepsija zamotati,  
pa je Tujara u pomoć počel zvati.

'Prijatelj dragi, daj ga zamotaj ti,  
vidiš da na mene samo kriči.'  
Tujar se posla prime, Pepsiju ruku zamota,  
i za put je spremna mala flota.

U kombi su straga teški dedi seli  
(Šoštarić, Pepsi, Beša ),  
a na sredinu ležju ekipu deli,  
(Bajić, Golubić i lovnik Pepsi)  
tak da bi dobar balans po cesti meli.



Za volan si je predsjednik Beki sel,  
a za konduktera si je pa Tujara zel.  
Krenula za Gospić ekipa mala, ali eto vraga,  
h Krapinskih se Beki zmisli  
da mu je crna torba h Pregradi ostala.

Polukružno on se okreće  
i nazaj za Pregradu polijeće.  
Vu toj maloj crnoj torbi laptop se skrila,  
a bež njega Beki pravi ni bil.

Ponovno se ekipa iz Pregrade uputi,  
a Pepsi pa promumlja:  
'Pa tuj su jako slični puti.

Tak mi se čini moji mili,  
da smo se već jenput  
po ti cesti vozili.'

Bilo o toj ekipi  
još koječega za reći,  
al pustimo ih zasad,  
nek uživaju u svojoj sreći.  
Zdravi i veseli bili,  
još mnogo let skup pili.



## DIMLJENJE NA LOVAČKI NAČIN

Jen lovec, dobro ga pozna svak,  
ime mu je Štef Smak.  
Drugoga zanimanja se prijel,  
susedi je dimit kobase šel.

'Susedo draga, ti pripremi drva suha,  
kaj bu na kobasama fina duha!'  
Ispod kobasa je dobro zakuril  
i brzo doma odjuril.

Videl je da pri susedi nekaj ne štima,  
malo je nekak h pušnici preveć dima.  
Z drvi pušnica se prijela,  
'Suseda, jako dimljene kobase buš mela'

Ognju h pušnici nisu mogli sami na kraj stati,  
morali su pregračke vatrogasce zvati.  
Vrabec jedino kolko su jako podimljene  
na kraju nemre znati,  
moral bu Smaku reći da mu je  
za probu jen par mogal dati.



## Pečena guska na izletu u Liku

Naši lovci po dobrom su poznati i sve kaj maju  
voljni su drugima dati.  
Tak je i našem prijatelju Šoštariću njegova Biba  
za put u Liku gusku spekla  
'Da podijeliš i počastiš prijatele', mu je rekla.

No ta pečena guska nikak na red ni došla, samo je  
cijelu Liku prošla.  
Glavno da su svi znali  
da se Šoštarić z guskom fali!

Valjda ju je nazaj doma misli odnesti,  
al su mu ju dečki h povratku f Lovačkom domu  
uspeli pojesti.

Dobra je ta guska bila,  
dečkima se h zuba samo topila.  
Z dobrim vinčekom gusku su zalili,  
i dugo u noć skupa su pili, makar h Gospiću nisu  
nič hlovili.

Hvala gospođi Biserki kaj je na Lovački dom došla,  
inače bi guska opet doma pošla.



## KAD MRTVI ZAPJEVAJU 2

Lani su izbori h Pregradi  
bili glavna tema  
nije bilo stupa  
na kojem stranačkih slika nema.

Vsaki kandidat  
je svoju sliku htel meti  
I još ju brž na Fejsbuk deti.

Tak je i kandidat  
za gradonačelnika  
jedne važne stranke  
jene noći zel  
svojega zamjenika iz banke.

F črnoj noći oni su se  
h črnom slikali ko dva tati  
z velikom črnim torbom,  
h koju puno paperof more stati.

Zgledali su ko z onoga filma  
Kad mrtvi zapjevaju,  
na sreću,  
izbori su tad  
već bili pri kraju.

Ko zna kaj bi da kampanja  
duže traje još napravili  
možda bi ljude  
i s odojkom počastili.





## Pri Brici



Dario naš gradu gume krpa,  
aute ljudima pere  
i po žepu sve ih dobro dere.

Cijeli se je predal marljivome radu,  
bogec si je zapustil i vlastitu bradu.  
Od posla pusta, narasla mu je stvarno gusta.

Branje grojzdja u Pregradi ide,  
'Nedam ja da me ljudi takvoga vide.

Čovjek sam sebi toliko vrijedi,  
Idem ja k našem Brici da me on sredi.'  
Brico čovjek je fletan i majstor poduzetan.

'Na stolac si ovaj Dario ti sedi,  
za tvoju bradu mašinicu ja imam kaj zlata vredi.'

Oko vrata krpu mu je del  
(bila je čista samo kad je bila nova),  
i zanatskog posla se je prijel.

Dok je Daria ekipa za feštu čekala,  
vražja mašinicu skroz je zaštekala.  
I to kak! Nemre to ljudi moji dragi baš svak.

Iz brade guste mašinicu visi,  
Brico se križa: 'Ak me spasiš dragi Bože,  
Odsad svake nedjelje išel ja bum k misi.'

Srce mu ko ludo lupa,  
Svom snagom mašinicu iz brade on čupa.

'Nemoj z mene delati norca,  
kaj ne vidiš da si me celoga potegnul iz ovoga stolca.

Vrag te dal škrti, tebe i tvoje peneze,  
zakaj non - stop pomažeš te nesretne Kineze.  
Peneze ti skupi i pošteni alat konačno si kupi.'

'Pravi sam ja stari brijač',  
neda se on, 'sad bum kod Burića posudil odvijlač.  
Kak god da je Kinez mašinicu sastavil  
u trenu ja bum ju rastavil.'

Nisu Brico i ekipa minute brojili,  
ali su se zato dobro oznojili.  
Dario bijesno u plafon gleda,  
dok se vražja mašinicu iz brade van neda.

Brico je s djelatnicom snage udružil,  
i mašinicu na kraju nekak ipak je skužil.

'Fala ti dragi Dario kaj si k meni svratil,  
ali danas nebuš baš niš platil,  
stvarno ne košta ništa,  
popij si na račun kuće vani par gemišta.'

## Šoferija v Istru

Kak je turistička sezona lani dobro završila  
h građevini bu breg posla i za ljude bu sila.

Veliju puno se ruši i zida dole h našoj Istri  
Pregračanov majstorov bu tam ko na modnoj pisti.

Tak je i naš staklar Burić  
dosta velkoga posla dogovoril,  
kaj je i muzikaša Pecija za pomoć pri montaži molil.

Na gradilištu bil je glavni  
i vse proprek mel Bažulj Zlatko  
i sako malo zval je Milana:  
'Podhitno dopeljajte nam staklo.'

Šajbi je sikakih i hudo puno, morti i prek par tona  
trebalo bu natovariti i peljati plavoga MAN  
kamiona.

Zde pa je problem kaj nema šofera  
i kak to otpeljati,  
'Nema veze', misli si mladi gazda,  
'rekal bum ja tati.'

Odmah pokle jedne kave z 'Pivnice' Milan je krenul  
i h Bosiljevu se pital aj je dobro skrenul.

Zišal je h Rijeci z prvoga tunela s malo preveč gasa,  
a šajbama otraga na kasonu već ni bilo spasa.

Sreća kaj se šajbe nisu razletele preveč po cesti  
pa je šofer stignul z večega to pred policijom  
pomesti.

'Ni tak hudo, moglo je i gorje biti',  
veliju dečki iz HAK - a,  
no sejeno na radiju javljaju  
da je zaprena desna traka.

Milan je nazaj zastartal  
dok je s policajcima sve riješil,  
a za dve vure Pečo ga je z gemištima h Rabcu tješil.

Veli mu Bažulj: 'Nema veze,  
bujte bez brige i dobre volje  
javlja Jazbec iz radione,  
jutre već nove šajbe stižeju dolje.'

Dečki su delali hudo i na vrijeme su posal zgotovili  
sigurno su zbog toga i pravu nagradu oni dobili.

Nišer si ni mislil da se bu tak  
zgodilo vu tome Rapcu  
i da bu radi toga naš staklar  
završil h Vrapcu.





ZAGORJE DO MEKSIKA



## Kuburaš na kvadrat

Zna se za našu staru i mušku tradiciju  
da za Vuzem treba meti pravu municiju.

Strelja se od sikud i to nakpraf  
sa sakega brega čuje se taftaftaf.

Či ti pukne boljnek od suseda frajer si veći  
to ti je znanje, nema tuj priče o nikakvoj sreći.

Priča se da je jenpuknul čak s kubure dve  
pa je tak h brigu del Kosteljance sve.

IpaK to je predsjednik kaj vodi jenu stranku  
spominjaju se muži h 'Vrtiću' naslojeni na šanku.

Čuje se priča da je streljil na cesti  
i da ga ni mogal ni sav promet omesti.

Htel je on najoriginalniju čestitku meti  
pa se je posnimil i odlučil to na Internet deti.

Ni si ni mislil ni sanjal o tak velikoj slavi  
mada je mel i sreće kaj ga ni jena ni lupila po glavi.

Možda bi si čak oblekal i kaku bolju stranačku majicu  
da je znal da buzavršil h emisiji pri Zoranu Šprajcu.

## Posjet zubaru

Jedna mlada dama došla zubaru na pregled se naručiti  
Ali on je mel cajta, more joj zube odmah proučiti.

Da joj zube mam pogleda, ona nije htela  
No sestra ju je samo na stolec posela.

Opirala se malo, ne bi rada otperla čube,  
Al mu je ipak pokazala svoje lijepe zube.

Takvom zadahu ni pomogla niti orbit žvaka  
Jer ona se prije doma najela češnjaka.

Kad je zubar osjetil takvu finu duhu  
Pomisli je vu sebi: '  
Danas nije praznik mojemu njuhu.'

Veli on njoj:  
'Dojdi ti k meni sutra,  
Al si rajši pojej kruha i putra.'





# KLONOVI NAPADAJU



## KLONOVI NAPADAJU

H Pregradi se za Dan Grada puno pilo i jelo, a gradonačelnik si je kupil i novo odijelo. Na svečanu sjednicu pozval je posebnog svata kojemu je oko vrata visela crvena kravata. Na poziv se rado odazval Bernardić jer inače od Markovog ponovnog izbora ne bu nič. Kad ga je h Pregradu zval, Marko nije ni znal da si bu Bero isto odijelo na sebe dal.

Činilo se ko da mu je dal stranački zadatak: crvena kravata je h partiji glavni modni dodatak. Po Pregradi su se oni špincirali ko pravi svati, opće nisu skužili da zgliedaju ko modni brati. Al njihov modni ispad skužil je 'fešn guru' I na T-portaluu izazvao komentara buru.

